

子部・雜家類

六語・樗齋漫錄・文海

披沙・南園漫錄・游翰

稗編・天都載・情種

北京圖書館古籍珍本叢刊

65

ISBN 7-5013-1404-7



9 787501 314041 >

北京圖書館古籍珍本叢刊

65

子部·雜家類

六語·樗齋漫錄·文海
披沙·南園漫錄·游翰
稗編·天都載·情種

編者 北京圖書館古籍出版編輯組
出版 書目文獻出版社

(北京文津街七號)

印刷 北京大興古籍印刷裝訂廠
定價 叁佰壹拾圓

ISBN 7-5013-1404-7/I·224

目錄

六語	三十一卷	一
樗齋漫錄	十二卷	二四九
文海披沙	八卷	三七一
南園漫錄	十卷	四八一
游翰稗編	五卷	五四七
天都載	六卷	五九九
情種	八卷	七三一

諺語序

朱文公曰諺俗語也劉勰曰諺直語也然有至理存焉匹夫匹婦離而聽之則愚合而聽之則聖虞舜察邇言孔子聽孺歌皆是語也第有古諺有今諺古諺多出於傳記顧紀其諺不紀其引諺之文莫測其意旨今諺多出於方言顧不紀其方與事終亦末知所謂楊用脩有古今諺不著引諺

諺語序

文或病其不詳古詩類苑有古諺邵宋以下闕焉予悉取而校其詞未詳者詳之闕者補之題曰諺語嗟乎爾雅美士為彥人所言咏从文从厂多夫彥為美士則諺為美言不善讀之為鄙善讀之為美美之與鄙取之已而已

萬曆戊申冬十月十日泰和郭子章撰

諺語

凡例

一諺不始周而引諺之書自太公兵法始故始周次前漢次後漢次蜀次魏次晉次六朝次唐次宋次元以及 本朝

一諺以書爲題如太公兵法書也黃帝曰日中不彗則兵法所引諺也後放此

一諺以書爲題書以作者時之後先爲序如同一周時也以太公兵法在前孔子曾子孟子

諺語

凡例

左傳在後兩漢以下放此

一書引古諺如云先民有言古人有言之類引今諺如鄙諺里語之類是也

一諺有注有未注難解者注如殺君馬者路傍兒仕宦不止車生耳之類是也易解者不注

諺語卷一

明豫章郭子章彙編

明西蜀顧造訂校

周

太公兵法

黃帝曰日中不彗是謂失時操刀不割失利之期執斧不伐賊人將來之反涓涓不塞將為江河焚焚不救炎炎奈何兩葉不去將用斧柯為虺弗推行將為蛇叶唐何反中必替操刀必割二句其餘

諺語

卷一

見太公兵法即漢藝文志黃帝中機銘也

黃帝曰余居民上搖搖恐夕不至朝慄慄恐朝不及夕兢兢業業日慎一日人莫躋于山而躋于垤

六韜

天下攘攘皆為利往天下熙熙皆為利來

孔子

有孺子歌曰滄浪之水清兮可以濯我纓滄浪之水濁兮可以濯我足孔子曰小子聽之清斯

濯纓濯足矣自取之也

論語人之言曰為君難為臣不易如知為君之難也不幾乎一言而興邦乎人之言曰予無樂乎為君唯其言而莫予違也如其善而莫之違也不亦善乎如不善而莫之違也不幾乎一言而喪邦乎

家語相馬以輿相士以居

御馬不釋策操弓不反檠

曾子

諺語

卷一

故諺有之曰人莫知其子之惡莫知其苗之碩

孟子二條

夏諺吾王不遊吾何以休吾王不豫吾何以助

劉熙曰春行曰遊秋行曰豫左傳季氏有嘉樹韓宣子譽之服虔曰譽與豫同遊于樹下也唐宋之問詩春豫臨池近

齊人有言曰雖有智慧不如乘勢雖有鎡基不如待時

詩經四章

板之章先民有言詢于芻蕘

蕩之章人亦有言顛沛之揭枝葉未有害本實先撥

抑之章人亦有言靡哲不愚

烝民之章人亦有言柔則茹之剛則吐之

人亦有言德輶如毛民鮮克舉之

詩疏 五章

洛鯉伊魴貴于牛羊洛諺言鯉魴之味美于牛羊也

山上斫檀椽楹先殫殫與椽楹三木相似音今

斫檀不諦音提得緊迷緊迷尚可音駁駁馬音駁馬亦木名馬

音如塗林之林檀與緊迷駁馬三木又相似○俞安期曰可與馬為韻馬不必音林

疲馬不渡澠水齊語○澠水之流迅疾

問婦人欲買赭不謂音龜龜下有黃土欲買釵不謂

山中自有桔上黨人調

詩正義引語

四足之美有鹿兩足之美有鵲

里語蜻蛉鳴衣裘成趣織鳴懶婦驚蜻蛉蟲名

根詩義疏曰蟋蟀似蝗而小正黑目有光澤如漆有角幽州人謂之促織督促之言也一名吟

蛩春秋說辭曰織興事連故趣織鳴文作兼里語曰趣織鳴懶婦驚而崔豹云齊南人謂蟋蟀

為懶婦非也

易緯引古語 二章

一夫兩心拔刺不深

躡馬破車惡婦破家

春秋緯引古詩 二章

吐珠于澤誰能不合

月麗于畢雨滂沱月麗于箕風揚沙叶桑何反

詩緯中候稷起謠

蒼耀稷生感迹

禮記

卷一

四

檀弓成人有其兄歿而不為衰者聞子臯將為

成宰遂為衰成人曰蠶則績而蟹有匡范則冠

而蟬有綏兄則歿而子臯為之衰成魯邑名匡范蜂也○朱氏曰絲之績者必由手匡之所盛然蟹之有匡非為蠶之績也為背而已首之冠也必資手綏之所飾然蟬之有綏非為范之冠也為象而已兄歿者必為之服衰然成人之服衰非為兄之歿也為子臯而已○愚按劉勰龍云蠶蟹郭詒經首淫時前可箴戒載十典禮

則成人之語

當入鄭語

子曰南人有言曰人而無恒不可以為卜筮古

子曰南人有言曰人而無恒不可以為卜筮古

子曰南人有言曰人而無恒不可以為卜筮古

之遺言與龜筮猶不能知也而况于人乎詩云我龜既厭不我告猶說命曰爵罔及惡德民立而正事純而祭祀是為不敬事煩則亂事神則難易曰不恒其德或承之羞恒其德貞婦人吉夫子凶

國語

靈王二十二年穀洛關將毀王宮太子晉諫曰不可人有言曰無過亂人之門亂人狂悖怨又曰佐離者嘗焉離一容切或作饗離亨煎之官也佐闕者傷焉

又曰禍不好不能為禍猶財色之禍生干好之夫見亂而不惕所殘必多其飾彌章民有怨亂猶不可遏而况神乎王將防闕川以飾官是飾亂而佐闕也其無乃章禍且遇傷乎

周景王二十四年鍾成伶人告蘇伶人也王謂伶州鳩曰鍾果蘇矣對曰未可知也鍾實不蘇王曰何故對曰上作器民備樂之則為蘇今財亡民罷莫不怨恨臣不知其蘇也且民所曹好鮮其不濟也曹羣也其所曹惡鮮其不廢也故諺

曰衆心成城衆口鑠金今三年之中而害金再興焉害金害民之懼也一之廢也二金之中王曰爾老耄矣何知二十五年王崩鍾不蘇

衛彪傒造周見單穆公曰自幽王而天奪之明使迷亂棄德而即悞淫悞慢也以亡其百姓其壞之也久矣而又將補之殆不可矣水火之所犯猶不可救而况天乎諺曰從善如登從惡如崩

如登喻難如崩喻易晉公子重耳過鄭鄭文公不禮焉叔詹曰若不

禮焉則請殺之諺曰黍稷無成不能為榮無成也榮也黍不為黍不能蕃廩武無音稷不為稷不能蕃殖所生不疑唯德之基稷得稷唯在樹言

禍福亦猶是也若不禮重耳則除之不禍福則宜厚之如此不疑是為德基也公弗聽晉文公既定襄王於郊王勞之以地辭請隧焉

王弗許先民有言曰改玉改行玉佩玉所以節卑遲速有節言服其服器行其禮叔父若能光裕大德更姓改物以創制天下自顯庸也而縮取備物以鎮撫百姓縮引也備物隨之屬余一人其流辟

千裔土何辭之與有辟音避○流放也言將放

若由是姬姓也尚將列為公侯以復先王之職

大物其未可改也六降未可改也

周語周襄王十三年鄭人伐滑王使游孫伯請

滑鄭人執之王怒將以翟伐鄭富辰諫曰不可

人有言曰兄弟讒閼侮人百里閼侮也兄弟雖

外禦其侮已者百里論遠也周文公之詩曰兄弟閱于牆

單襄公曰人有言曰兵在其頸其卻至之謂乎

君子不自稱也非以讓也惡其蓋人也夫人性

陵上者也不可益也求益人其抑下滋甚故聖

人貴讓且諺曰獸惡其綱民惡其上獸惡其綱

為其病已書曰民可近也而不可上也

吳國語越王勾踐命諸稽郢行成於吳諸稽郢

曰夫諺曰狐狸埋之而狐搢之是以無成功骨切

埋藏也今天王既封殖越國以明聞於天下殖封

論也而又刈亡之是天王之無成勞也雖四

方之諸侯則何實以事吳

越王至于玄月爾雅曰九月為玄召范蠡而問焉曰諺

有之曰觥飯不及壺殮觥古橫切○觥大也大

虛待之不及壺殮之救飢疾也言已欲滅今歲

晚矣子將奈何范蠡對曰微君王之言臣固將

謁之謁請臣聞從時者猶救火追亡人也蹶而

趨之唯恐弗及王曰諾遂興師伐吳

左傳

隱十一年春滕侯薛侯來朝爭長薛侯曰我先封

薛薛社奚仲夏所滕侯曰我周之卜正也薛庶姓

也我不可以後之庶姓非周之同姓公使羽父請于薛

侯曰君與滕君辱在寡人周諺有之曰山有木

工則度之賓有禮主則擇之度大周之宗盟異

姓為後盟載書皆寡人若朝于薛不敢與諸任

齒薛任君若辱貺寡人則願以滕君為請薛侯

許之乃長滕侯

桓十初虞叔有玉虞叔虞公之弟虞公求旃弗獻

既而悔之曰周諺有之匹夫無罪懷璧其罪吾

焉用此其以賈害也賈買也乃獻之

閔元晉侯作二軍公將上軍太子申生將下軍
趙夙御戎畢萬爲右夙趙襄兄畢萬魏犇祖父以滅耿滅霍
滅魏三國皆姬姓還爲太子城曲沃賜趙夙耿賜畢
萬魏以爲大夫士蔣曰太子不得立矣分之都
城而位以卿先爲之極又焉得立不如逃之無
使罪至爲吳太伯不亦可乎猶有令名與其及
也言雖去猶有令名勝于留而及禍且諺曰心苟無瑕何恤乎
無家天若祚太子其無晉乎
僖五晉侯復假道于虞以伐虢宮之奇諫曰虢
虞之表也虢亡虞必從之晉不可啟寇不可翫
一之謂甚其可再乎諺所謂輔車相依唇亡齒
寒者其虞虢之謂也輔頰輔車牙車牙唇反
僖七春齊人伐鄭孔叔言于鄭伯曰諺有之心
則不競何憚于病競強也憚難也既不能彊又不能弱
所以斃也國危矣請下齊以救國言心既不能強何畏難云既不能令又不受命也
文七宋昭公欲去羣公子樂豫曰公族公室之
枝葉也葛藟猶能庇其本根况國君乎諺所謂

庇焉而縱尋斧焉者也註八尺曰尋所以量木也借木之庇而縱放尋以伐之斧
文十七晉侯不見鄭伯以爲貳于楚也鄭子家
使執訊而與之書古人有言曰畏首畏尾身其
餘幾言首尾有畏則身中不憂者少又曰鹿死不擇音音所處之處
小國之事大國也德則其人不德則其鹿也
鋌而走險急何能擇鋌疾走貌言急則欲將悉敝賦以待于儻唯
罔極亦知亡矣言晉命無極
執事命之儻晉鄭之竟言
宣四初楚司馬子良生子越椒子文曰必殺之
良之兄是子也熊虎之狀而豺狼之聲弗殺必
滅若敖氏矣諺曰狼子野心是乃狼也其可畜
乎子良不可子文以爲大惑及將死聚其族曰
椒也知政乃速行矣無及于難且泣曰鬼猶求
食若敖氏之鬼不其餒而
宣十五春公孫歸父會楚子于宋宋人使樂嬰
告急于晉晉侯欲救之伯宗曰不可伯宗晉大夫古
人有言曰雖鞭之長不及馬腹言非所擊天方授楚

未可與爭雖晉之彊能違天乎諺曰高下在心
川澤納汙山藪藏疾瑾瑜匿瑕國君含垢天之
道也晉侯耻不救宋故伯宗為君其待之待楚
乃止說小惡不損大德之喻

宣十六晉國之盜逃奔於秦羊舌職曰吾聞之
禹稱善人稱舉不善人遠此之謂也夫詩曰戰
戰兢兢如臨深淵如履薄冰善人在上也言善人居
國之不幸也是無善人之謂也

宣十七范武子將老老致仕初受隨故曰隨武
召文子曰變乎吾聞之喜怒以類者鮮文子士

成十七公遊於匠麗氏匠麗氏大夫家樂書中行偃遂

執公焉召士甸士甸辭辭不召韓厥韓厥辭曰

昔吾畜於趙氏孟姬之譏吾能違兵畜養也違
古人有言曰殺老牛莫之敢尸而况君乎二三
子不能事君焉用厥也

昭元周使劉定公勞晉趙孟師古曰周周景王

侯盍亦遠績禹功而大庇民乎師古曰時館于

食朝不謀夕何其長也劉子歸以語王曰諺所

謂老將知而耄及之者其趙孟之謂歟耄亂也

人朝不謀夕棄神人矣神怒民叛何以能久趙

孟不復年矣復見明年

昭三晏子如晉公更其宅反則成矣既拜拜謝

乃毀之而為里室皆如其舊本壞里室以新

則使宅人反之還其且諺曰非宅是卜唯隣是

昭七子產適晉趙景子問焉景子晉中曰伯有
猶能為鬼乎子產曰能人生始化曰魄既生魄
陽曰魂用物精多則魂魄強是以有精爽至于

神明匹夫匹婦強死其魂魄猶能馮依於人以

為淫厲強死不病也况良霄我先君穆公之胄子良

之孫子耳之子散邑之卿從政三世矣鄭雖無

腆腆厚也○子良公子去疾生子耳公孫輒輒生伯有良霄三世為卿抑諺曰

蕞爾國而三世執其政柄其用物也弘矣其取

精也多矣其族又大所馮厚矣良霄親視所馮者貴重

強死能為鬼不亦宜乎

昭七晉人來治杞田季孫將以成與之成孟氏邑本杞

田謝息為孟孫守不可謝息僭曰人有言曰雖

有挈鉞之知守不假器禮也挈鉞汲者喻小知為人守器猶知不

以備夫子從君而守臣喪邑夫子謂孟僖雖吾子從公如楚

子亦有猜焉言季孫亦將疑我不忠

昭七子產為豐施歸州田於韓宣子豐施鄭公孫段之子

三年晉以州田賜段曰日君以夫公孫段為能任其事而

賜之州田今無祿早世不獲久享君德其子弗

敢有不敢以聞於君私致諸子此年正月宣子公孫段卒

辭子產曰古人有言曰其父析薪其子弗克負

荷荷擔也以微薄喻貴車施將懼不能任其先人之祿其

况能任大國之賜

昭十三季孫猶在晉子服惠伯私于中行穆子

曰魯事晉何以不如夷之小國魯兄弟也土地

猶大所命能具若為夷棄之使事齊楚其何瘳

于晉也瘳差親親與大賞共罰否所以為盟主也

子其圖之諺曰臣一主二言一臣必有二主道不合得去事他國

吾豈無大國言非獨晉可事

昭十九晉人使以幣如鄭問駟乞之立故駟氏

懼駟乞欲逃子產弗遣請龜以下亦弗予大夫

謀對子產不待而對客曰鄭國不天寡君之二

三臣札瘥天昏天歟曰札小疫曰瘥短折曰天未名曰昏今又喪我

先大夫偃其子勿弱其一二父兄懼隊宗主私

族於謀而立長親寡君與其二三老曰抑天實

剥亂是吾何知焉言天自欲亂駟氏非國所知諺曰無過亂

門民有兵亂猶憚過之而况敢知天之所亂今

大夫將問其故抑寡君實不敢知其誰實知之

昭二十四鄭伯如晉子大叔相見范獻子獻子

曰若王室何對曰老夫其國家不能恤敢及王

室抑人亦有言曰癡不恤其緯癡寡婦也織者常苦緯少寡婦

所宜而憂宗周之隕為將及焉今王室實蠢蠢焉

憂蠢蠢動吾小國懼矣然大國之憂也吾儕何

知焉吾子其蚤圖之

昭二十八冬梗陽人有獄魏戊不能斷以獄上

上魏其大宗賂以女樂訟者之魏子將受之魏

戊謂閭沒女寬二魏子曰主以不賄聞于諸

侯若受梗陽人賄莫甚焉吾子必諫皆許諾退

朝待于庭魏子朝君退而饋入召之比至三嘆

既食使坐魏子曰吾聞諸伯叔諺曰唯食忘憂

吾子置食之間三嘆何也同辭而對曰或賜二

小人酒不夕食或他人也饋之始至恐其不足

是以嘆中置自咎曰豈將軍食之而有不足是

以再嘆魏子中軍帥及饋之畢願以小人腹

為君子之心屬厭而已屬足也言小人之腹飽

然獻子辭梗陽人

定十四太子蒯聵告人曰戲陽速禍余戲陽速

告人曰太子則禍余太子無道使余殺其母余

不許將戕于余戕殘也若殺夫人將以余說余是

故許而弗為以紓余死諺曰民保于信吾以信

義也

飛矢在上走驛在下兵交使在其間今語

諺語卷一 畢

諺語卷二

明豫章郭子章彙編

明西蜀顧造訂校

周

戰國策

楚策或謂黃齊曰人皆以謂公不善於富摯

人公不聞老萊子之教孔子事君乎示之其齒

之堅也六十而盡相靡也靡摩同今富摯能

而公重不相善也是兩盡也謂兩強俱斃若齒之相摩以就

諺曰見君之乘下之乘馬也在車則下見杖起之在

則今也王愛富摯而公不善也是不臣也

襄王徵莊辛於趙莊辛曰諾莊辛至襄王曰寡

人不能用先生之言今事至于此為之奈何莊

辛對曰臣聞鄙語曰見兔而顧犬未為晚也亡

羊而補牢未為遲也

楚策荀子為書謝春申君曰癘人憐王癘雖惡疾猶愈

此韓非語荀子不應用不知非子正用荀語此不

恭之語也雖然虛謬不可不審察也此為劫

弑死亡之主言也夫劫弑死亡之主也心之憂勞形之困苦必甚于癘矣由此觀之癘雖憐王可也

趙策趙武靈王下胡服之令羣臣諫王曰聖與

俗流言其順俗賢與變俱諺曰以書為御者不盡馬

之情以古制今者不達事之變故循法之功不

足以高世法古之學不足以制今

插木不生危松柏不處卑

秦策秦攻趙蘇秦說秦王語曰戰勝而國危者

物不斷也功大而權輕者地不入也

齊策蘇秦說齊湣王語曰騏驥之衰也駑馬先

之孟賁之倦也女子勝之

孟嘗君擇舍人以為武城吏而遺之曰鄙語豈

不曰借車者馳之借衣者被之註云言弗愛也

韓策蘇秦為趙合從說韓曰臣聞鄙語寧為雞

口無為牛後顏氏家訓曰按延篤戰國策音義當為尸後當為雞口雞中之主從牛子也然則口

韓策向壽為秦守宜陽將以伐韓韓公仲使蘇

從信為誤也

代謂向壽曰禽困覆車譬禽獸若困急猶能抵觸傾覆人車

韓策蘇代說向壽請母伐韓諺曰貴其所以貴

者貴正所以貴人所同貴也今王之愛習公也不如

公孫郝其智能公也不如甘茂今二人者皆不

得親於事矣而公獨與王主斷於國者彼有以

失之也公孫郝黨於韓而甘茂黨於魏故王不

信也今秦楚爭強而公黨於楚是與公孫郝甘

茂同道也公何以異之人皆言楚之多變也而

公必之是自為貴也非貴所同貴公不如與王謀其

變也善韓以備之若此則無禍矣

齊令周最使鄭韓滅鄭有其地故多稱鄭補曰

大梁立韓韓公而廢公叔周最患之曰公叔

之與周君交也交言其相善已今我使鄭立韓

擾而廢公叔語曰怒于室者色于市色也今公

叔怨齊無奈何也必絕周君而深怨我矣

燕策樂毅間入趙燕王以書且謝焉曰語曰仁

不輕絕智不輕怨君之于先王也世之所明知

也寡人望有非則君掩蓋之不虞君之明罪之

也

也望有過則君教誨之不虞君之明棄之也且

寡人之罪國人莫不知天下莫不聞君微出明

怨以棄寡人寡人必有罪矣雖然恐君之未盡

厚也諺曰厚者不毀人以自益也仁者不危人

以要名也

管子

不行其野不違其馬

言馬以行野雖不行野亦不可不調習也以諷桓公

墻有耳伏寇在側

墻有耳者微謀外泄古有二言

莊子

秋水篇秋水時至不辨牛馬於是馬河伯欣然

自喜以天下之美為盡在已順流而東行至於

北海東面而視不見水端於是馬河伯始旋其

面目望洋向若而嘆曰野語有之曰聞道百以

為莫已若者我之謂也

古語美成在久叶苟起反惡成不及改韻補改

刻意篇野語有之衆人重利廉士重名賢士尚

志聖人貴精

春雨變夏雨

莊子注引言是非究竟愈遠愈訛也

墨子

甘瓜苦蒂物無全美

列子

楊朱篇引古語生相憐死相捐此語至矣

古語人不婚宦情欲失半人不衣食君臣息道

周諺曰田父可坐殺晨出夜入自以性之恒饑

菽茹藿自以味之極一朝處以軟毛絺幘薦以

梁肉蘭味心痛體煩內熱生病矣

荀子

子道篇引古言衣與繆與不女聊與音歟聊音

言雖衣服我綢繆我而留叶力糾反

大略篇引民語曰欲富乎忍恥矣傾絕矣絕故

舊矣與義分背矣傾絕謂傾身絕命而求也

大畧篇流允止于既更流言止于智者注既更皆器也

揚子方言陳魏鄭宋之間謂堂為史既更謂地

之望坎如既更也子卿以流言止于智者為諺

韓非子

隰斯彌見田成子田成子與登臺四望三面皆

暘南望隰子家之樹菽之田成子亦不言隰子

歸使人伐之斧離數創隰子止之其相室曰何

變之數也隰子曰古者有諺曰知淵中之魚者

不詳夫田子將有事事大而我示之知微我必

危矣不伐樹未有罪也知人之所不言其罪大

矣乃不伐也

管仲鮑叔相謂曰君亂其矣必失國齊國之諸

公子其可輔者非公糾則小白也與子人事

一人焉先達者相收管仲乃從公子糾鮑叔從

小白國人果弑君小白先入為君魯人拘管仲

而效之鮑叔言而相之故諺曰巫咸雖善祝不

能自祓也秦醫雖善除不能自彈也以管仲之

聖而待鮑叔之助此鄙諺所謂虜自賣裘而不

售士自譽辨而不信者也

人主之患在莫之應故曰一手獨拍雖疾無聲

人臣之憂在不得一故曰右手畫圓左手畫方

不能兩成

魯哀公問于孔子曰鄙諺曰莫衆而迷舉事不與衆謀